

AWIG - AWIG KERAMA DESA ADAT

BANJAR SALA

KEPARITAN MEMPUPUH SEKAR ALIT.

P E M A H B A H

Pangubaktin titiang ring sang memawosin cakepan puniki
maka menggala ucap " J A Y A " mogi-mogi Ida Sanghyang Widi
Wasa Grdha menganumata / menganugraha Sidha Sidhi kadi kapti.

Pikukuh titiang inggih punika Kebudayaan silih tunggil
keutaman kauripan ring sejeroning kautaman sane lianan.

Mungguing seni sastra Hindu sane makuweh sorohnya silih
tunggil Kebudayaan Nasional minekadi bantang miwah dasar nge-
lembakang seni Budaya Wangsa Indonesia, meled nagingin pengap-
tin Wangsa sane utama.

Sangkaning manah suci, daging awig-awig Kerama Desa Adat
puniki parik titiang mepupuh Sekar-alit.

Mogi warga Kerama Desa Adat Banjar, arsa memawosin, kaping
ajeng para anom-anom / Dehe Teruna weneng mirengang pupuh -
pupuh, lamakane gelis keincep, maka don sida mangguh kemolih-
an mikukuhin pemargan Adat Agama melarapan teleb ngincepang
daging awig-awig puniki ngungsi " Moksartham Jagad hita "
(bhukti lan mukti).

Punika dwaning pamipil titiang puniki kabuatannya anggen
penuntun sajeroning swadharman manggeh kauripan Tri premana.


Janten makuweh sane tan manut ring kahyun, melarapan dasar
tambet, wantah gumanti titiang ngaturang sara ledang ida dane
sang memawosin.

Dipanem sarwa pujanem.

Om Çanti Çanti Çanti Om

Banjar Sala, 18 Oktober 1986

Ksama Sangamipil



I Made Tjelegog

Jro Mangku Rajapati.

OM AWIGNAMASTU NAMA CIWAYA

Sinom

1. Titiyang nunas wara nugrah, Ring Sanghyang Aji Saraswati,
Malingga ring pecakepan, Maka doning awig - awig,
Krama Desa Adat iki, Keparik den sang hulun,
Kapupuhang sekar alit, Dumadak pateh pengapti,
Nudut kayun, Warga Desa Adat Sala.
2. Mogi teleb mamiarsa, Pamekas taruna taruni,
Memawosin melaksana, Mungpung wenten galah margi,
Sane pacang andel mangenti, Nyejerang Adat Gama Hindu,
Sane tami ketama, Ring leluhur maha suci,
Maka suluh, Rikalaning kapetengan.
3. Tembenin mamipilang, Mangun pelambang iki,
Saniscara Phon Dunggulan, Katuju Kartika sasi,
Sukla paksa Purnami, Csaka siyu sanga ulu,
Per. Jati wisesa segara, Upeksa metri kang pinerih,
Swastiastu, Kalugraha kasempurnan.
4. Melarapan wara nugrah, Ida Sanghyang Prama Kawi,
Ngawentenang kauripan, Buana Agung buana Alit,
Maka don Buana kalih, Ngeraremin darma kawuwus,
Tata Krama kasukretan, Ngerajegang awig-awig,
Sampun putus, Kemanggehang kretan jagat.
5. Kasurat ring pawos pisan, Wasta kalih wewengkoning,
Desa Adat Banjar Sala, Kaja kelod kauh kangin,
Sampun tatas sinah jati, Nimbak mangkin pawos telu,
Wawidangan manut deresta, Pupulaning karang Puri,
Luwir ipun, Setra carik miwah tegal.
6. Pamikukuh lan tetujon, Mungguh maring pawos patpat,
Desa Adat Banjar Sala, Ngemanggehang dasar gumi,
Pancasila manut jati, Miwah Undang-Undang Dasar,
Tahun siyu empat lima, Sandang pisan pikukuhin,
Mangda sampun, Kewalinin dura cara.
7. Tatujon malih wilang, Sikisiki mangda jati,
Mikukuhang tur nyejerang, Nginggihang tata prewerti,
Nyejerang sukretan gumi, Sangaskaraning manu,
Ngiket kakulewarga, Paras paros ne keapti,
Sida pangguh, Tri premana catur dresta.
8. Pasukretaning pakeraman, Pawos nemnem ngawilangin,
Pajuruan Desa Adat, Parencana lan pemargi,
Upekara lan pesaji, Pangemong druwen Desa iku,
Pawos pitu malih wilang, Parajurune kapilih,
Saking manut, Kacumponan Krama Desa.

9. Pajuruan Desa Adat, Sengker kagentosin malih,
Puput nyaberan limang masa, Sejaba wenten pari indik,
Sang wusan dados kapilih, Manut prarem Desa iku,
Pawos kutus luwir ika, Swadarman Pajuruaning,
Pamemutus, Pemarganing awig ika.
10. Sehananing kulewarga, Anut agama Hindu jati,
Tur pastika nanggap karang, Manggeh Krama Desa jati,
Saluluta ring pemargi, Ngamedalang ayah ipun,
Kadi munggah pawos siya, Mangkin malih pawos dasa,
patut ipun; Matur uning ring Pajuruan.
11. Yaning jadma lian desa, Nunas mangda keayomin,
Kerob kundul krama desa, ring wargi sinalih tunggill,
Janten sampun kacumponin, patut nawur batu-batu.
Agung arta manut perarem, Krama Desa ngawilangin,
Kadi iku, Manggeh ring pawos ping solas.
12. Jadma tamiyu madunungan, Lintangan ring asasih,
Ring sakuwub Desa Adat, Patut nawur nyaberan sasih,
Pawos ping roras puniki, Kaping telulas malih mungguh,
Wenten jadma lian desa, Turing sampun mengarangin,
Cendek sampun, Ngayah kadi Kerama Desa.
13. Pawos pat belas caritayang, Warga sane wus ngarangin,
Lad saking ayahan muka, Patut katedunang malih,
Ngayah Desa kang sediri, Ring Pura Dalem Pamuwun,
Miwah ring Banjar tan lempas, Kulewarga anut sami,
Yan tan anut, Tan presida kakundulang.
14. Kaping molas manegesang, Yaning tamiyu memandalin,
Sane ngeraksa kasisipang, Sakuweh sane kekaninin,
Ping nem belas katembenin, Yaning wenten tamiyu rawuh,
Magenah ring noro. krama, Punika tan kekaninin,
Batu batu, Luput ring sehanan nia.
15. Pawos pitulas rawosang, Warga Krama lad sinunggil,
Makerama Desa Adat, Wastu malih ngewalinin,
Punika patut kaninin, Batu batu pada cumpu,
Akeh kidik kebawosang, Saking wantah banget eling,
Kapituhu,
Sangkan paran ayun teka.
16. Ping pelekutus kebawosang, Waris ika patut nanpi,
Tan pengetang prebiya, Sejaba wenten perejanji,
Para Juru kadi saksi, Sametonan sami cumpu,
Turing munggah ilikita, Mangda sampun salit tampi,
Kudu kudu, Ngawe berangti kulewarga.

36. Pawos kaping petang dasa, Tanom tuwuh krasa mayanin,
Patut katotor tur ke obah, Wanong sajeroning awiku,
Mangda kelaksanayang, Yan tan ngiring,
Kerama Desa melaksana.
37. Sadurungo patut wanong, Wastu pungkut tur mayanin,
Luput ring kaiwangan, Tarune mayanin puniku,
Separo ring sang kobaya, M e w a l i ,
Separo ring sang dorebiya.
38. Petang dasa siki inucap, mangkin petang dasa kalih,
Tetanduran kadi punika, Tan kelaksanayang tuhu,
Pungkut turing nyengkalen, Keni sisip,
Ngupekara manut deresta.
39. Ngebah notor tanem tuwuh, Wastu menyengkalanin,
Sang mederebe negen prebiya, Malih yaning wenten taru,
Empak wiadin pungkut, M a y a n i n ,
Wewangunan anak siosan.
40. Prebiya patut kategenang, Ring sang sane mayanin,
Sadurungo sang keni baya, Sampun wenten pesadu,
Taler tan kalingunan, Mangda jati,
Waspada ring kawentenan.
41. Pawos petang dasa tiga, Tan kepatutang ngaryanin,
Ngungkulang rahab pewangunan, Lintang wates luwir ipun,
Nganggen wates padreben anak, Yan tan saking,
Sami manut pasubaya.
42. Ngenbahang toya saking bada, Ngentungan luhu kemargi,
Mebacin ring kelabah, Nganyudang bangken wewalung,
Sehanan kakotoran, Ngawe gering,
Ngeresresin warga desa.

Semarandana.

43. Petang dasa patpat iki, Makta sawa kepatutang,
Ring panedal sane muka, Tan kengin kapeletasan,
Tegal carik kedadosang, Yaning sampun kapituduh,
Antuk dulu Desa Banjar.
44. Tanah sane kemarginin, Punika patut kaperascita,
Kemargiang ring ne ke entap, Ring tukad pangkung kelabah,
Tan memargi parisuda, Padem ring karang sios,
Kaupekara ring derebiya sawa.
45. Sawa tan wenten ngangkenin, Kerama Desa melaksana,
Jantos sawane nependem, Sangkan nugrah Pemerintah,
Upekara kemargiang, Manut sekadi patut
Sida tuntas kacuntakan.

26. Warga kerama sane ruyud, Luput ring ayahan sami,
Minokadi sungkan ila, Miwah buta rumpuh buduh,
Pedagingan ke otangang, Mungguh ring,
Pawos tri dasa eka.
27. Sane dados ngowakilang, Ayah isteri antuk isteri,
Ayah lanang antuk lanang, Mayusa pitulas tahun,
Dados taler panauban, Agung alit,
Manut hawos perareman.
28. Tigang dasa kalih ring ajeng, Mangkin ngewawanin malih,
Pawos tigang dasa tiga, Yusane empat belas tahun,
Patut tedun ngatur ayah, Kewastanin,
Ayah dehe taruna.
29. Pawos tigang dasa patpat, Peson peson kerawosin,
Prebiyaning upekarā, Penga-yah keni sawungkul,
Balu putung balu remban, Wenten malih,
Balu ruyud kedanganan.
30. Sane patut kaluputang, Pajuruan maka sami,
Kelian Adat Kelian Pura, Miwah para pemangku,
Para juru ring Pemerintah, Sor singgih,
Luput manut perareman.
31. Indik pasukeretan desa, Tigang dasa nemnem malih,
Sehanane karang umah, Pastika wenten wates ipun,
Manggeh wenten pamedalan, Sida terepti,
Nyatur desa manut deresta.
32. Sinalih tunggil krama Desa, Sane patut kekardinin,
Wates karang wiadin tegal, Kekaryahin sami manut,
Sane ngawe karusakan, Patut sisip,
Ngewaliang jati mula.
33. Tiga dasa kutus rawosang, Taru tan wenang nawonin,
Sane ngawinang ngerusak, Wenang kesepat gantung,
Ameter saking watesan, Penyanding,
Mangda gelis ngawekasang.
34. Saluwir pamula-mulaan, Nora dados mangungkulin,
Pepayonan kadi umah, Sehananing tanem tuwuh,
Tan kengin nandur padang, Ring margi,
Sane ngawinang bet marga.
35. Pawos telung dasa siya, Got gote ring sisin margi,
Nyaberan mangda kabersihang, Manut telajakan ipun,
Sami eling ring amongan, Mangda bersih,
Yaning piwal kasisipang.

17. Pawos siangolas kocap, Wusan mekerama Desa iki,
Tatiga maka awanan, Seda padem kaping siki,
Kaping kalih wit magingsir, Kawusanang kaping tiga,
Nora polih epah epahan, Saking dereben Desa jati,
Iku mungguh, Ring pawosan kalih dasa.
18. Pawos selikur peparuman, Kawentenang tunggil sasih,
Kanutang ring kabuatan, Pawos dualikur nimbalin,
Peparuman katembenin, Kala Karama Desa terem,
Sekidik pah ruwa lintang, Ring pupulan krama sami,
Kala parum, Nenten dados nura cara.
19. Pawos kaping empat likur, Bebawos midabdabin,
Melarapan paingkupan, Pamutuse mangda becik,
Makolihan pah ruwa lintang, Ring sanga milet paruman,
Punika kabuatang pisan, Mangda pangguh sane becik,
Dasaripun, Mikukuhin Desa Adat.
20. Patut polih leluangan, sane sampun kacumponin,
Kapiambeng nuju sungkan, Miwah kala matepetin,
Kelayu sekaran malih, Kala karya suka duka,
Rikala nemakuh umah, Malih nuju ngerahabin,
Nandur pantun, Pawos tigalikul nyihnayang.
21. Kaping selawe pawos ika, Warga desa silih tunggil,
Yaning sampun merabian, Kacihnayang upekara,
Upekara agung alit, Sampun dados tedun ngayah,
Ring Krama Desa Adat, Sajeroning kulewargi,
Ping nem likur, Sane patut munggah ngayah.

Ginada.

22. Sajeroning kulawarga, Ring Desa Adat puniki,
Warga sane pinih tuwa, Sila kerama sami manut,
Manggeh dados pengayah, Sejabaning,
Kemanggehang paduluan.
23. Pitu likur kaliwatang, Ulu likur katembinin,
Balu remban caritayang, Balu muani yadian luh,
Pianaknyane dehe taruna, patut keni,
Ayah manut pawilangan.
24. Balu putung istri lanang, Luput ayah lanang isteri,
Nanging manut kawentenan, Balu lanang luput wadu,
Balu wadu luput lanang, lanang isteri,
Sami polih laluputan.
25. Pawos sangelikur lintang, Tigang dasa kemalihin,
Warga ubuh meme bapa, Mayusaroras tahun,
Kepatutang tedun ngayah, sejabaning,
Sane kantun masekolah.

46. Petang dasa lima malih, Nunjel sawa ring karang umah,
Makta barang ngaletihin, Bilih bilih ke pura,
Sami ika tan kalugra, Kalih letehe ngelantur,
Sang piwal kanin danda.
47. Wewalungan ngeracinin, ngaletihin pekarangan,
Bilih ngeranjing ke Pura, Sandang pisan utshang,
Mangda sida wenten kandang, Katureksa ring para juru,
Pawos petang dasa enam.
48. Negul banteng maring margi, Maring setra karang anak,
Ngangon ngelebang mandusang, Punika tan kepatutang,
Tan manut ring kebersihan, Pawos petang dasa pitu,
Munggha manggeh pawilangan.
49. Tetabanan wilang malih, Ring sang naban tigang pahan,
Parajuru abagian, Abagian Kerama Desa,
Winikilang lima lima, Sami sami pada anut,
Petang dasa kutus nyinahang.
50. Petang dasa siya ngawit, Warga sane polih naban,
Matur gelis ring paduluan, Paduluan ngawilangang,
Sampun tatas tebusannya, Kudu kudu tan ketebus,
Bukti durung kewaliang.
51. Pawos seket sampun nangkin, Wewalungan tan keangkenan,
Mesenger tigang rahina, Punika katur ring Desa,
Yan rikala baya patia, Sang aduwe luput panuku,
Katekaning sang sane naban.
52. Suaran kulkul pidabdabin, Mangda manut tetepaknya.
Pastika ring tetenggeran, Rikalaning yadnya desa,
Dwang tuludan saha banban, Pawiwahan banban atuludan,
Seda tigang kelentungan.
53. Silih tunggil ciri maling, Kebegal amuk kebahak,
Kepelegandang baya patia, Bulus ngelantur atuludan,
Wangde karya duang kelentungan, Keboyanin nepak kulkul,
Tan sangkan warah mwang mebuat.
54. Ika pawos seket besik, Muwang pawos seket duwa,
Ninbal pawos seket tiga, Warga desa sane piwal,
Melaksana tan pekarasa, Nepak kulkul tan pe sadu,
Sang punika kesisipang.
55. Suaran kulkul puniki, Sedek petedunan Desa,
Suarane tan mecandetan, Rikala tenggeran baya,
Warga Desa sami napak, Tepet ring genah ketuju,
Pawos seket patpat tiyaksan.

Durna.

56. Durma sano mangkin anggen nganggit tembang.
Dusta baya duskerti, Yaning warga desa,
Uning ring wenten dusta, patut digelis atur uning,
Ring para juruan, Pawos seket lima ngeranjing.
57. Jiwa baya arta baya geni baya, Polegandang dura cari,
Bilih mebuat kawentenan, Sange uning inucap,
Patut ngukul digelis, Nyuarayang kulkul Desa,
Manut tabuh baya pati.
58. Sehanan warga desa perade uninga,
Uning ring baya pasti, penangkan baya,
Patut peramangke uninga, Ring para juru paduluaning.
Kulkule gelis katepak, Punika anggen maka ciri.
59. Warga Kerama Desa sane kicalan,
Prade pacang ngeruruhin, Nunas bebawosan,
Ring para juruan Desa, Para juru menampenin,
Panuntun maseserepan, Seket nem seket pitu iki.
60. Yaning wenten sinalih Kerama Desa,
Ngemaling ring Desa Banjar, Sida kaserepang,
Sang melaksana kedanda, katikelang ping dasi,
Saking pengargan barang, Barange sane kemaling.
61. Ngemaling tur nyeroroang ring kahyangan,
Yan sida kepanggih, Kedanda ping lima,
Saking pengarganing barang, Tur ngemargiang resi gana,
Ring kahyangan ika, Antuk sang melaksana dusta.
62. Yan tan sida kaserep paderuwen Desa,
Keramane mahening-hening, Ring kahyangan Desa,
Manut gama kelasanyang, Yan tan sida nganutin,
Tan polih pesayuban Desa,
Seket kutus seket siya iki.

Pangkur.

63. Pangkur mangkin anggen nimbali, ping nem dasi,
Indik wewangunan mangkin, Pura Puseh Bale Agung,
Pura Dalem Pura taman, Rajapati,
Dalem pingit Setra Agung, Kakuwub Kahyangan tiga,
Pawos nem siki nem kalih.
64. Pengaci Tri Kahyangan, Kawedalin,
Saking suang suang puri, Sangkan sampun sami manut,
Sios malih laba pura, Pawos nem tiga,
Nem dasa pat malih mungguh, Bacakan letuh cendala,
Luwir ipun kadi iki.

65. Jadma luh ngeraja sewala, Wonten malih,
Cuntaka sangkaning mati, Wong sungkan ila sungkan buduh,
Sohananing wong petita, Patut alukat,
Mungguh maring pawos nom pat,
Irika galihin malih.
66. Sajeroning sengker pura, Kerama sami,
Patut pisan menyungkemin, Tan dados ngambahang rambut,
Miwah menahin wastra, Mawos kasar,
Mekarya kali miwah cabul, Mungguh sajeroning Pura,
Kanoroyang ika sami.
67. Nem dasa lima liwatang, Nem dasa nem,
Malih tembenin mangkin, Rerincikan pemikukuh,
Jadma mayuda ring Pura, jantos seda,
Sange deruwe patut nuku, Ngaturang karya pamungkah,
Ring Kahyangan sane kanin.
68. Jan tan saking^{me} nyelapang, Tan ke kanin,
Upekara puniki, Desa Kerama mapenuku,
Melaksana upekara, mapemungkah,
Ring genahe puniki, Tatan sida kalempasang,
Duwaning saking titah Widi.
- Sumambang.
69. Sane mangkin, Memawosang pari indik,
Kepemangkuan, Tataning adiksa Widi,
Prebiya saking I Kerama.
70. Basa-basi, Ring Pemangku sane jati,
Tata susila, Reh sampun meraga suci,
Yadiastun anggen weka.
71. Pemangku iki, Patut emban becik-becik,
Reh pekardin Krama, Mangda tan keracinin,
Antuk jadma durat maka.
72. Sang mangkuin, Polih luput ring pemargi,
Tan keneng kacuntakan, Lembak ring peling Widi,
Mesapuh metelah telah.
73. Nem dasa pitu, Ngiring mangkin
Dudonan kemangkuan, Manunas pamuwus Widi,
Katurunan lan pilihan.
74. Mangkin malih, Ritatkala ngemarginin,
Pangupekara, Pemangkune mapiuning,
Ring Kerama Pajuruan.
75. Peradening, Wonten jadma siosan,
Maupecara, Pemangku tau kesadokin,
Ked... uda.
- Perebiya ne ngeraga.

Indik kasucian Desa, Pawos ulung siki,
Para juru tan maron nabdab, Kang sinaggeh ngalotehin,
Salah timpal minekadi, Gamia gamana kedaluhan,
Panguman uman ring saba, Sehanane ngawe weci,
Teleb ipun, Kasisipang nyuda jagat.

103. Pawos ulung dasa dua, Ring kahyangan nangun aci,
Ngenanggehang saka sidan, Nanging manut ring pomargi,
Ngusaba Desa ngusaba nini, Pecaruan selanturnya,
Nieta muang utama, Utsa yang mangda gelis,
Nunas pemuwus, Ring jeng Ida Sanghyang Sedaka.

104. Upekara penyepian, Patut taler wilangin,
Pawos ulung dasa tiga, Parajuru maka sami,
Nuntun saha midabdabin, Mangda desa kayoanan,
Molih sida labda karya, Nganutin amati geni,
Tawur agung, Nuju tileming kesanga.

Ginada (Basur).

105. Pawos ulung dasa patpat, Pawilangan sentana iki,
Rikala ngidih sentana, Patut matur ring para juru,
Asasih sedurung ambah, Patut uning,
Warga Kerama Desa Banjar.

106. Sane midep keberatan, Mangda gelis matur uning,
Awuku sedurung ambah, Patut matur ring para juru,
Para juru ngicen galah, Ngewalinin,
Mangda tan kasepan tempo.

107. Pawos ulung dasa lima, Sane manggeh dados kedih,
Sane durung merabian, Tur alitan tuwuh ipun,
Ring sane pacang ngarsayang, Tatas uning,
Ring sedaging awig ika.

108. Sane patut keanggen sentana, Saking semeton purusa,
Yan tan wenten ring kepurusa, Dados ngambil saking wadu,
Nanging rajeg manggeh wangsa, Rawuhing,
Matunggalan pekawitan.

109. Pastika madeg sentana, Yaning sampun meperascita,
Tur maduwe ilikita, Kesaksinin parajuru,
Tur Ka-uning Pemerintah, Sinah jati,
Pawos ulung dasa nem.

110. Anak isteri tan kawenang, Ngemaduang anak muani,
Anak luh kaceburin, Sang muani puniku,
Tan kengin ngemaduang, Yan tan saking,
Bebas sane kaceburan.

111. Sentana luh baya patia, Pageh ipun sang nyeburin,
Tan dados kekawonang, Katundung saking genah luh,
Pianak ipun ngewarisang, Arsa becik,
Pawos ulung dasa pitua.

90. Yukti patut, Pidabdabin maka tuhu,
Manut ring Agama, Sios warga mendem sawa,
Patut ipun, Nuku setra lan merascita.
91. Luwir ipun, Pacang nganggo setra iku,
Matur ring parajuru, Mangda ledang midabdabin,
Jantos putus,
Pemargin Adat Agama.

92. Mangkin sampun, Pitung dasa nem rawuh,
Indik pasebelan, Kerama Desa tigang hari,
Wargan ipun, Roras dina wus merascita.

93. Lintang sampun, Roras dina tan mesapuh
Patut sampun buntas, Nanging kanoroang wedaling,
Duaning kantong, Kasinanggeh kasebelan.

94. Mawas rungu, Sedaging pawos iku,
Mangda jati pedas, Sedagingin awig awig,
Wantah nguduh, Sangkan palaning dana.

Ginanti.

95. Pawos pitung dasa pitu, Tata cara maperabi,
Ngarorod pasuwakan, Kedasarin sami aris,
Saking warga kepurusa, Ngaluku ring warga isteri.

96. Sami suka sami adung, Para juru mangda uning,
Kawentenang upekara, Manut kadi deresta nguni,
Kasuwarayang gendongan, Kerama Desa mangda uning.

97. Ngerorod kedesa sios, Saking purusa menuku,
Ilikita perabian, Parajuru kadi saksi,
Perabian sampun pastika, Pitung dasa kutus iki.

98. Palas perabian ketuju, Mapiwekas patut malih,
Parajuru mangda wikan, Pari indik make dadin,
Sange palas kesisipang, Mesamsam ring pura desa.

Sinom.

- Sinom malih manibal, Kawikonan kapiuning,
Patut nunas nugra rihin, Parisada kang siniwi,
Tan lepas ring para juruan, Nureksa kayun sadu,
Pemargine jati-jati, Mangda manut,
Kecaping Agama sastra.

100. Mangda tan ceda angka, Patut luwih parekerti,
Perade wenten kantong samar, Perajuru atur uning,
Ring sang patut rumawos, mangda sida jati tuhu,
Para juru miyaktayang, Ring warga Desane sami,
Sandang tuhu, Pawos pitung dasa siya.

101. Mangkin pawos ulung dasa, Pemargine ngemangkunin,
Mawos manut ring deresta, Nitening kecaping aji,
Manggeh jalaran sujati, Mengenterang yadnyan Desa,
Diastun acepan kemawon, Mapikolih kewastanin,
Sandang patut, Darma punika manggehang.

77. Sane ngaryanin, Cendala iri hati,
Misuh matembung keroda, Punika patut kesisip,
Merascita Pemangku ika.
78. Nem kutus nem siya, Sampun pasti kewilangin,
Mangda becik mamiarsa, Sampunang iwang penampi,
Temesang mangeresepang.

Pucung

79. Timbal antuk rerebagan tembang pucung,
Deruwe laba pura, Tanah tegal miwah carik,
Patut ipun, Wenten cihna ilikita.
80. Wenten mungguh, Deruwen pura puniku,
Patut kaetangang, Paduluan maka sami,
Sampun ingkup,
Laba Pura tan keadol.
81. Parajuru, Mangda kukuh pituhu,
Nyaberan wusan karya, Ngeraksa tur memidik,
Jantos puput, Sekancanin bebawosan.
82. Pitu dasi, Pitu siki Pitu ruwa,
Seda muang ngaben, Polih patus sami sami,
akeh ipun, Manut ring perareman.
83. Anak rare, miwah yan durung meketus,
Noro kesumbangan, Sawa pendem lan mebasmi,
Wantah ipun, Ke enterang ring pajuruan.
84. Malih ipun, Yaning wenten warga iku,
Pati nadak sara, Salah pati ulah pati,
Wantah patut, ke upekara manut gama.
85. Malih ma^otur yan mandusang sawa iku,
Mangda bersih dabdab, I Pemangku patut iring,
Mangda patut, Upekara upecara.
86. Yan nuju, Makta sawa mangda lugu,
Pemargine dabdab, Dasarini kayun wyakti,
Durung putus, Kerama Banjar tan kengin budal.
87. Pitu telu, ring ajeng sampun mungguh,
Pawos pitu patpat, Ngiring malih bawosin,
Mangde adung, mungguh ring pepawosan.
88. Tan kepatut, mendem sawa ring katuju :
Tilem lan Purnama, Kajeng keliwon anggarkasih,
Malih ipun, Semut sedulur gotongan.
89. Sane mungguh, Pitung dasa lima iku,
Nuju walin Desa, Mendem sawa kala wengi,
Penumbak, Pengapit taler kesebelan.

112. Sentana luhbaya patia, Meme bapa pianak mati,
Sang nyeburin rawosang, Dados malih ngalih anak luh,
Yan sampun kacumponin, Saking wargi,
Sane pinih tampek.
113. Pianak pekuronan ika, Patut ipun ngewarisin,
Raja duwe i sentana, Resep cumponin ring kayun,
Kadi ne wawu katurang, Mungguwing daging,
Pawos ulung dasa ulua.
114. Pawos ulung dasa siya, Pianak luh lintang ring siki,
Wastu sampun bajang bajang,
Meme bapan ipun mantuk, Dados ngerawuhang somah,
Anak muani,
Kacumponan ring purusa.
115. Makuronan tutug pianak, Pawos siya dasa wilang,
Yan durung widi widana, Patut kaupekara dumun,
Sadurunge merangkat, Jati rimbit, Sida ne ring ulah darma.
116. Jadma beling ngantos lekad, Tan wenten ngangkenin,
Sang meduwe kepatutan, ngaturang pesapuh-sapuh,
Suda mala manut agama, Turing sisip,
Kedanda manut perarem.
117. Merabi tan mesakapan, Nyolong alaki suwami,
Wastu mederuwe bobotan, Bobot sangkan memandung,
Nyolong semara arania, Lanang istri,
Kedanda tur merascita.
118. Pianak luh dehe tua, Pedum pateh pianak muani,
Malih waris kengin ke-pah, Sesampun ngaben leluhur,
Pianak ngidih ring rerama, Siya dasa siki,
Lan pawos siya dasa dua.
119. Dehe teruna ngidih sentana, Patut mangda kacumponin,
Olih kulawarga lanang, Jalaran utama langkung,
Ngantinin separa paran, Tan kengguhini,
Ring kapungkur wekasannya.

Semarandana.

120. Bebaluan luh wiadin muwani, Ngemanggehang darma baluan,
Arta berana paderuwean, Kekuasayang antuk i baluan,
Tan dados adol gadeyang, Kekuasayang antuk i balu,
Ring pawos siya dasa pat.
121. Baluan ane nyolong gami, Kedapaetan agamia,
Dados katundung olih pianak, Taler kadang wargan ira,
Atur uning ring pajuruan, Kebawosin antuk dulu,
Sisip turing kaperabiang.
122. Siya dasa lima lintangin, Nimbali pawos siya dasa nam,
Sane mawosin wicara, Paduluan Desa Banjar,
Yan tan sida kebawosan, Katur ring Pemerintah iku,
Luput ring amongan sami.

123. Seanan sane kedadosang kali, Patut raris kebawosang,
Pastika ring patut iwangnya, Melarapan tri peremana,
Tan maren ring catur deresta, Wewatesang iwang patut,
Uning ring kaiwangannya.
124. Sampunang bas menginjil, Rikalaning ngamolihang,
Lila legawa menyampura, Ketuntun tan maronan,
Nyapsap bibit mamesehan, Manggeh degdeg jagra tutur,
Muni keadnyana ke inucap.
125. Parajuru Desa Banjar iki, Nunasang ring sang rumawos,
Perade wenten ne memandal, Bilih bilih dura cara,
Saketurunan bawosang, Ring pidabdab kawuwus,
Pawos siya dasa pitua.

Durma.

126. Indik pamidanda lan rerampagan, Siya dasa kutus iki,
Pamidanda ring sang sisip, Kemargian para juru,
Manut dudonan nunggil-nunggil, Ayahan penukun sisip,
Danda arta panikelan.
127. Pamidanda manut ring awig ika, Pasuara deresta agami,
Adung kauripan, Agung alit pamidanda,
Katiwakang me sor singgih, arta pamidanda,
Dados deruwen Desa Banjar.
128. Siya dasa siya liwatang, Pawos satus perampagan,
Ping tiga memandal, Kerampag antuk kerama,
Sang kerampag tan ngalangin, Akeh kidiknyane,
Manut utang sane sisip.
129. Para juru miteketang ring sang kerampag,
Barang mangda katebus gelis, Masenger pitung dina,
Kutus dina barang kelelang, Mangkin pawos satus siki,
Sane kengin kerampag, Suku ampat jaba sampi.
130. Perabot pawon tan kengin kerampag,
Sadurunge pitung hari, Sampun kasedekang,
Ring sang pacang kerampag, Yan sampun ketawurin,
Perampagan wangde, Pawos satus dua sinah.
131. Pawos satus telu mangkin bawosang,
Sang kerampag mangda aris, Nyerahang deruwennia,
Tan dados memaksa barang, Paderuwen sang kerampag,
Warga desa inucap, Kanoroyang mekerama Desa.

Sinom.

- Pawos ping satus patpat, Pawuwuh lan pemuput iki,
Sakeluwiring wicara, Sane durung munggah awig,
Jagi kebawosin malih, Ring perarem para juru,
Sane daging nya tan tungkas, Ring sesuduk awig awig,
Ne kawuwus, Sampun manggeh katelebang.

133. Pawos satus lima satus nam, Satus pitu dados siki,
Kengin wewehin wekasan, Yaning sampun kacumponin,
Maka pikukuh awig iki, Ingkup sami para juru,
Arsa ngalingga tanganan, Pamuputing awig awig,
Ngawit katur, Saniscara Phon Dunggulan.

Om Om Om

Udutyam jata vedasah

Dewam Bahanti Ketawah


Driste Wisuaya Suryam

Om Çanti Çanti Çanti Om

Dusun/Banjar Sala, 18-10-1986

Ksama

Sang-amipil



I MADE TJELEGOG
Jro Mangku Rajapati

-JMT-